

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINSKI SUD U GRAČANICI
Broj: 027-0-Su-22-000 625/9
Gračanica, 15.11.2022. godina

Na osnovu člana 64. stav 1. tačka b), člana 70. i člana 89. Zakona o javnim nabavkama („Službeni glasnik BiH“, broj: 39/14), člana 31. stav 1. Zakona o sudovima u Federaciji BiH („Službene novine F BiH“, broj 38/05, 22/06. 63/10, 72/10, 7/13 i 52/14), na preporuku Komisije za javnu nabavku, broj: 027-0-Su-22-000 625/8 od 14.11.2022. godine, predsjednica Općinskog suda u Gračanici donosi

O D L U K U O IZBORU NAJPOVOLJNIJEG PONUĐAČA

I

Prihvata se preporuka Komisije za javnu nabavku, broj: 027-0-Su-22-000 625/8 od 14.11.2022. godine, te se Ugovor za javnu nabavku „Građevinski radovi - izgradnja staze za invalide i rekonstrukcija postojećih stepenica i izgradnja novih“ ispred zgrade Općinskog suda u Gračanici podjeljen na lotove na slijedeći način: LOT 1: Izgradnja staze za invalide ispred zgrade Općinskog suda u Gračanici – JRJN - 45000000-7 i LOT 2: Rekonstrukcija postojećih stepenica i izgradnja novih ispred zgrade Općinskog suda u Gračanici – JRJN - 45000000-7 dodjeljuje ponuđaču „Sagra“ d.o.o. Gračanica, Stjepan Polje bb, 75324 Stjepan Polje, ponuda broj: 16/22, za ponuđenu cijenu u iznosu od **23.130,50 KM** bez PDV-a, bez navedenog popusta, odnosno **27.062,69 KM** sa PDV-om. Ponuđena cijena za LOT 1: Izgradnja staze za invalide ispred zgrade Općinskog suda u Gračanici u iznosu od **10.013,50 KM** bez PDV-a, a za LOT 2: Rekonstrukcija postojećih stepenica i izgradnja novih ispred zgrade Općinskog suda u Gračanici u iznosu od **13.117,00 KM** bez PDV-a.

II

Odabrani ponuđač iz tačke I. ove Odluke dužan je u roku od 5 (pet) dana od dana zaprimanja ove Odluke o izboru najpovoljnijeg ponuđača, na Protokol ugovornog organa dostaviti orginale ili ovjerene kopije niže navedene dokumentacije, koja ne može biti starija od 3 (tri) mjeseca, računajući od momenta predaje ponude:

- a) Uvjerenje izdato od strane Suda BiH i nadležnog suda prema svom sjedištu kojim dokazuje da u krivičnom postupku nije osuđen pravosnažnom presudom za krivična djela organizovanog kriminala, korupciju, prevaru ili pranje novca;
- b) Uvjerenje nadležnog suda ili organa uprave kod kojeg je registriran ponuđač kojim se potvrđuje da nije pod stečajem niti je predmet stečajnog postupka, da nije predmet postupka likvidacije, odnosno da nije u postupku obustavljanja poslovne djelatnosti;
- c) Uvjerenje nadležnih institucija kojim se potvrđuje da je ponuđač izmirio dospjele obaveze, a koje se odnose na doprinose za penziona i invalidsko osiguranje i zdravstveno osiguranje;
- d) Uvjerenje nadležnih institucija da je ponuđač izmirio dospjele obaveze u vezi sa plaćanjem direktnih i indirektnih poreza.

U slučaju da izabrani ponuđač propusti dostaviti dokaze iz prethodnog stava 1. u navedenom roku ili dostavi neprihvatljive dokaze, ova odluka će se poništiti.

Prijedlog ugovora dostavit će se na potpis izabranom ponuđaču u roku do 10 dana od dana zaprimanja ove Odluke o izboru najpovoljnijeg ponuđača, osim ukoliko nije uložena žalba.

III

Ova odluka objavit će se na web-stranici suda, www.opsud-gracanica.pravosudje.ba, istovremeno sa upućivanjem iste ponuđaču koji je učestvovao u postupku javne nabavke, u skladu sa članom 70. stav 6. Zakona o javnim nabavkama.

IV

Ova Odluka stupa na snagu danom donošenja i dostavlja se ponuđaču koji je sudjelovao u postupku javne nabavke u skladu sa članom 71. stav 2. Zakona o javnim nabavkama.

V

Po pravosnažnosti ove Odluke, Ugovorni organ će pozvati ponuđača radi zaključenja predmetnog ugovora kojim će regulisati međusobna prava i obaveze vezane za predmetnu nabavku shodno zahtjevima Ugovornog organa navedenim u tenderskoj dokumentaciji i zakonskim propisima koji regulišu postupke ugovaranja.

O B R A Z L O Ž E N J E

Postupak javne nabavke pokrenut je Odlukom o pokretanju postupka javne nabavke, broj: 027-0-Su-22-000 625 od 27.10.2022. godine.

Javna nabavka je sprovedena po postupku – Konkurentski zahtjev za dostavu ponuda – tenderska dokumentacija, broj: 027-0-Su-22-000 625/4 od 03.11.2022. godine. Obavještenje o nabavci je objavljeno na Portalu javnih nabavki, obavještenje o nabavci broj: 352-7-3-9-3-1/22 od 04.11.2022. godine.

Procijenjena vrijednost ukupne javne nabavke “Građevinski radovi - izgradnja staze za invalide i rekonstrukcija postojećih stepenica i izgradnja novih“ ispred zgrade Općinskog suda u Gračanici bez uključenog PDV-a iznosi: **23.376,05 KM**, procijenjena vrijednost koja se odnosi na LOT1 - Izgradnja staze za invalide ispred zgrade Općinskog suda u Gračanici bez uključenog PDV-a iznosi: **10.128,20 KM** i procijenjena vrijednost koja se odnosi na LOT2 Rekonstrukcija postojećih stepenica i izgradnja novih ispred zgrade Općinskog suda u Gračanici bez uključenog PDV-a iznosi: **13.247,85 KM**.

Komisija za javnu nabavku imenovana Rješenjem predsjednika Općinskog suda u Gračanici, broj: 027-0-Su-22-000 625/1 od 27.10.2022. godine, predsjedniku suda je dostavila: Zapisnik o otvaranju ponuda, broj: 027-0-Su-22-000 625/6 od 14.11.2022. godine, Zapisnik o pregledu i ocjeni ponuda, broj: 027-0-Su-22-000 625/7 od 14.11.2022. godine, Izvještaj o preuzimanju tenderske dokumentacije, broj postupka: 352-7-3-9-3-1/22 od 04.11.2022. godine i Preporuku o izboru najpovoljnijeg ponuđača, broj: 027-0-Su-22-000 625/8 od 14.11.2022. godine.

U postupku po izvještaju o radu utvrđeno je da je Komisija za javnu nabavku blagovremeno i pravilno izvršila otvaranje ponude i ocjenu prispjele ponude o čemu je sačinila odgovarajuće zapisnike u kojima je utvrđeno sljedeće:

- Da je ukupan broj prispjelih ponuda: 3 (tri) ponude,
- Da je broj blagovremeno zaprimljenih ponuda: 3 (tri) ponude,
- Da je broj blagovremenih zaprimljenih izjava o odustajanju od ponude: 2 (dvije)
- Da nema neblagovremeno zaprimljenih ponuda,
- Da je ukupan broj prihvatljivih ponuda: 1 (jedna) ponuda:

R/br.	Naziv ponuđača	Ukupna ponuđena cijena bez PDV-a	Ponuđena cijena za LOT1 bez PDV-a	Ponuđena cijena za LOT2 bez PDV-a
1.	„Sagra“ d.o.o. Gračanica, Stjepan Polje bb, 75324 Stjepan Polje	23.130,50 KM	10.013,50 KM	13.117,00 KM

U postupku donošenja ove Odluke, posebno su cijenjene činjenice da je Komisija pravilno i potpuno izvršila ocjenu ispunjavanja kvalifikacionih uslova te ocjenu prispjele ponude ponuđača u skladu sa kriterijima iz tenderske dokumentacije.

U postupku je utvrđeno da je Komisija u svemu pravilno postupala, te da je preporuka za izbor najpovoljnijeg ponuđača data u skladu sa Zakonom o javnim nabavkama BiH, podzakonskim aktima i tenderskom dokumentacijom. Uvidom u priloženu dokumentaciju, nesporno je da je komisija postupila u skladu sa članom 89. stav 3 Zakona o javnim nabavkama kojim je propisano da kada ugovorni organ primi jednu prihvatljivu ponudu, dodjeljuje ugovor tom ponuđaču i to najkasnije u roku od deset dana od dana okončanja postupka javne nabavke.

Izabrani ponuđač „Sagra“ d.o.o. Gračanica, Stjepan Polje bb, 75324 Stjepan Polje je izabran primjenjujući kriterij „najniže cijene“, koja iznosi 23.130,50 KM bez PDV-a odnosno 27.062,69 KM sa PDV-om.

Iz navedenih razloga, primjenom člana 64. stav 1. tačka b) i člana 70. stav 1. i 3. Zakona o javnim nabavkama („Službeni glasnik BiH“, broj: 39/14), te na osnovu člana 31. stav 1. Zakona o sudovima u Federaciji BiH („Službene novine F BiH“, broj: 38/05, 22/06, 63/10, 72/10, 7/13 i 52/14), odlučeno je kao u dispozitivu tačke I. do V. ove Odluke.

POUKA O PRAVNOM LIJEKU:

Protiv ove odluke može se izjaviti žalba u roku od 5 (pet) dana od dana prijema Odluke o izboru najpovoljnijeg ponuđača, a sve u skladu sa članom 99. i 101. tačka 5.) Zakona o javnim nabavkama.

Žalba se izjavljuje ugovornom organu u pisanoj formi direktno, ili preporučenom poštanskom pošiljkom.

Žalba se podnosi u najmanje 3 (tri) primjerka.

PREDSJEDNICA SUDA
Meliha Hadžihasanović